



SURAT PEKELILING PERBENDAHARAAN BIL. 15 TAHUN 1995

Kepada:

Semua Ketua Setiausaha Kementerian,
Semua Y.B. Setiausaha Kerajaan Negeri,
Semua Y.B. Pegawai Kewangan Negeri,
Semua Ketua Jabatan Persekutuan/Negeri,
Semua Ketua-Ketua Eksekutif Badan-Badan Berkanun.

SKIM PERLINDUNGAN INSURANS PERJALANAN UDARA KELUAR NEGERI

1. TUJUAN

1.1 Tujuan Surat Pekeliling ini ialah untuk memaklumkan pemindaan skim perlindungan Insurans Perjalanan Udara yang ditawarkan oleh Persatuan Pengembara dan Pelancungan Bumiputera Malaysia (BUMITRA) untuk Pegawai-pegawai Kerajaan dan pegawai-pegawai lain yang dilantik dan saraannya dibiayai oleh Kerajaan Persekutuan atau Negeri serta anggota keluarga yang menyertai ketika mereka menjalankan tugas-tugas rasmi.

2. KELAYAKAN

2.1 Kelayakan yang ditawarkan oleh BUMITRA ini meliputi semua pegawai Kerajaan dan pegawai-pegawai lain yang dilantik dan saraannya dibiayai oleh Kerajaan Persekutuan atau Negeri serta anggota keluarga mereka yang membeli tiket penerbangan dengan menggunakan Waran Perjalanan Udara Awam (WPUA) atau Air Transport Request (ATR) yang dikeluarkan oleh Kementerian/Jabatan.

3. PERLINDUNGAN YANG DITAWARKAN

3.1 Persatuan Pengembara dan Pelancungan Bumiputera Malaysia (BUMITRA) telah memperkenalkan dua (2) pakej perkhidmatan mengikut jarak jauh perjalanan. Faedah-faedah yang ditawarkan adalah mengikut pakej seperti berikut:

PAKEJ `A'

(Negara-negara yang akan diliputi di bawah ini ialah Eropah, Afrika, Amerika Utara, Amerika Selatan, Australia dan New Zealand serta negara-negara kepulauan Pasifik dan negara-negara yang tambang penerbangan melebihi RM5,000.00).

(i) Faedah-faedah kemalangan perjalanan tidak melebihi RM500,000.00 bagi setiap orang:

- (a) kehilangan nyawa - RM500,000.00
- (b) kehilangan kedua belah - RM500,000.00 tangan atau kaki
- (c) kehilangan satu tangan - RM500,000.00 atau satu kaki
- (d) kehilangan penglihatan - RM500,000.00 dua mata
- (e) kehilangan penglihatan - RM300,000.00 satu mata, satu tangan atau satu kaki
- (f) kehilangan satu tangan - RM300,000.00 atau satu kaki
- (g) kehilangan panglihatan - RM300,000.00 satu mata

FAEDAH-FAEDAH TIDAK SELESAAN

- (ii) Mis-Connection - RM200.00
- (iii) Kelewatan Bagasi - RM200.00
- (iv) Kehilangan Bagasi - RM400.00

PAKEJ B

(Negara-negara yang diliputi di bawah pakej ini ialah Asia dan Tenggara Asia serta negara-negara yang tambang penerbangannya kurang dari RM5,000.00)

- (i) Faedah-faedah Kemalangan Perjalanan tidak melebihi RM300,000.00 bagi setiap orang:
 - (a) kehilangan nyawa - RM300,000.00
 - (b) kehilangan kedua belah - RM300,000.00 tangan atau kaki
 - (c) kehilangan satu tangan - RM300,000.00 atau satu kaki
 - (d) kehilangan penglihatan - RM300,000.00 dua mata
 - (e) kehilangan penglihatan - RM250,000.00 satu mata, satu tangan atau satu kaki
 - (f) kehilangan satu tangan - RM250,000.00 atau satu kaki
 - (g) kehilangan panglihatan - RM250,000.00 satu mata

FAEDAH-FAEDAH TIDAK SELESAAN

- (ii) Mis-Connection - RM200.00
- (iii) Kelewatan Bagasi - RM200.00
- (iv) Kehilangan Bagasi - RM400.00

3.2 Jumlah Had Tanggungan (Aggregate Unit of Liability) sebanyak RM3.5 juta bagi tiap-tiap satu kapal terbang.

3.3 Skim ini hanya meliputi penerbangan antarabangsa tetapi termasuk ke/dari Singapura dan Brunei.

4. PERATURAN UNTUK MEMPEROLEHI SKIM INSURANS

4.1 Semua pegawai Kerajaan yang mengambil tiket dari ahli-ahli BUMITRA kerana bertugas dan juga berkursus di luar negeri adalah dilindungi di bawah skim ini. Sekiranya pegawai-pegawai


tidak dilindungi maka ahli BUMITRA yang berkenaan perlu membuat bayaran sendiri jika berlaku satu-satu tuntutan. Skim insurans ini tidak melibatkan apa-apa bayaran tambahan oleh Kementerian/Jabatan.

4.2 Setiap mereka yang diinsuranskan hendaklah mendapat satu "Certificate of Insurance" yang dikeluarkan melalui BUMITRA daripada agen pelancongan yang berdaftar dengan Kementerian Kewangan semasa menerima tiket penerbangan.

5. AM

5.1 Surat Pekeliling Perbendaharaan Bil 15/1993 adalah dibatalkan.

5.2 Surat Pekeliling ini adalah berkuatkuasa mulai 1 April 1995.

A handwritten signature in black ink, appearing to read 'Clifford F. Herbert', is written over a horizontal line.

(DATUK CLIFFORD F.HERBERT)

Ketua Setiausaha Perbendaharaan.